

Powšitkowne WOZJEWJENJA

njedźelu, 26. apryla 2020

Wusyłanje Božich službow live

Serbskorěčnu Božu mšu tutu njedźelu, 26. apryla, móža wěriwi znowa jako livestream w interneće sčehować. Dupołdnja w 9 hodž. přenjese so wona z Ralbičanskeje cyrkwe. Kemše změje wosadny farar Šćěpan Delan. Přichodnu njedźelu, 3. meje, přenjese so Boža mša z tachantskim fararjom Witom Šćapanom z Budyšina. Linkaj k wusyłanjomaj přez internet stej na stronje www.posol.de podatej. Štóž nima přistup k internetej, móže Božej mši w samsnym času přez sćelak MDR-Serbski rozhlós přijimać.

Zhromadne modlenje młodžiny

Worklečanske młodžinske dekanatne dušepastyrstwo poskića zhromadne digitalne modlenje róžowca pónđzela, 27. apryla, w 19.30 hodž. Te je wšitkim zajimcam wotewrjene. Trěbny pak je přistup k discord-serwerek dekanatneho dušepastyrstwa. Tón je přez internetowy browser abo přez app za Windows, Mac, iOS a Android móžny. Zarjadowanje darmotneho konta za discord a přizjewjenje traje něhdže džesać mjeńšin. Link na discord-serwer je pod www.posol.de podaty.

Žiwy kubłanski podcast

Katolska akademija Drježdžansko-Mišnjanskeho biskopstwa je srjedu, 8. apryla, nowy format „Z wutrobu a stejíšćom. Žiwy podcast“ zahajiła. Přichodnje jimaja so eksperca wšelakich fachowych směrow słowa a zabjeru stejíšćo k wědomostnym, towaršnostnym, kulturnym a cyrkwiskim prašenjam našeho časa. Stafla džesać epizodow wěnuje so tuchwilnym wužadanjam koronoweje pandemije a praša so skónčnje za Bohom w tutej krizy.

Prěnje tři epizody noweho podcasta su na internetowej stronje Katolskeje akademije hižo přistupne: W prěnjepodawce benediktski pater Anselm Grün pokiwy, kak móže so žiwjenje w karantenje poradzić. Čichu sobotu wozjewichu druhu epizodu z tekstom českeho teologa profesora dr. Tomaša Halíka, kotryž wupraji so k teologii w koronowej krizy. Drježdžansko-Mišnjanski biskop Heinrich Timmerevers tutón tekst rěči. W třećeje epizodze wěnuje so profesor dr. Gerhard Fettweis nowej koronowej app. Dalše epizody maja so stajnje na wutorach wozjewić. Link k tomu je na www.posol.de podaty.

Telefoniske poradžowanje

Hornjołužiski zwjazk Carity z.t. poskićuje w koronowej krizy telefoniske poradžowanje, ale tež prosće rozmołwy z tymi, kiž maja žadosć za tym, z někim so rozmołwjeć móc. Sobudželaćerjo Carity su wot pónđzele do pjatka wot 8 do 16 hodž. pod telefonowym čisłom (0 35 91) 49 82 20, ale tež pod mailowej adresu beratung@caritas-oberlausitz.de docpějomi.